

四庫全書

子部

欽定四庫全書

子部
證類本草卷四

詳校官太醫院院使_臣張肇基

編修_臣倉聖脈覆勘

總校官編修_臣王燕緒

校對官待詔_臣胡士震

謄錄監生_臣王志遠

繪圖監生_臣孫大儒

欽定四庫全書

證類本草卷四

宋 唐慎微 撰

玉石部中品總八十七種

金銀鐵鹽
土等附

一十六種神農本草經

七種名醫別錄

七種唐本先附

注云
唐附

八種今附

皆醫家常用有
效注云今附

三種新補

一種新分條

三種圖經餘

一種唐慎微續漆

墨蓋子
下是

一種唐本餘

四十種陳藏器餘

凡墨蓋子已下並唐慎微續證類

雄黃

石硫黃

雌黃

食鹽

自米部
今移

水銀

石膏

玉火
石附

金屑

銀屑

生銀

今附朱砂
銀續注

靈砂

水銀粉

新補

磁石

磁石毛
續注

玄石

綠鹽

唐附

凝水石

陽起石

孔公孽

殷孽

蜜陀僧

附唐

鐵精

鐵燕萍鐵水針
砂鍛鑽下鐵屑

刀刃犁鏡

火續注

鐵漿

元附鐵精
下新分條

秤錘

今附鐵杵故
鋸輪匙續注

鐵華粉

附今

生鐵

鐵粉

附今

鐵落

鋼鐵

鐵

石腦

理石

珊瑚

附唐

石蟬

今附浮
石續注

長石

馬銜

附今

礪石

補新

石花

附唐

桃花石

附唐

光明鹽

附唐

石牀

附唐

膚青

馬腦

補新

太陰玄精

今附鹽
精附

車轄

附今

石蛇

圖經
餘

黑羊石

圖經
餘

白羊石

銀膏

唐本
餘

四十種陳藏器餘

天子藉田三推犁下土

社壇四角土

土地

市門土

自然灰

鑄鍾黃土

戶垠下土

鑄鐸鉏孔中黃土

甕塹中裏白灰

彈丸土

執日取天星上土

太甌中蒸土

蚡糞壤堆上土

塚上土及塼石

桑根下土

春牛角上土

土峰窠上細土

載鹽車牛角上土

驢溺泥土

故鞋底下土

鼠壤土

屋內墻下蟲塵土

鬼尿

寡婦牀頭塵土

牀四脚下土

瓦甑

甘土

二月上壬日取土

柱下土

胡鷺窠內土

道中熱塵土

正月十五日燈盞

仰天皮

蟻穴中出土

古磚

富家中庭土

百舌鳥窠中土

猪槽上垢及土

故茅屋上塵

諸土有毒

階州雄黃

四十七種


神農本草經以下



階州水窟雄黃

金定四庫全書

卷四



雄黃味苦甘平寒大溫有毒主寒熱鼠瘻惡瘡疽痔死
肌療疥蟲蠱瘡自痛鼻中息肉及絕筋破骨百節中大
風積聚癖氣中惡腹痛鬼疰殺精物惡鬼邪氣百蟲毒
勝五兵殺諸蛇虺毒解藜蘆毒悅澤人面鍊食之輕身
神仙餌服之皆飛入人腦中勝鬼神延年益壽保中不
飢得銅可作金一名黃食石生武都山谷燉煌山之陽
採無時陶隱居云鍊服之法皆在仙經中以銅為金亦
出黃白術中晉末已來以羌中紛擾此物絕不
復通人間時有三五兩其價如金合丸皆用石門始興
石黃之好者爾始以齊初涼州互市徵有所得將至都下

余最先見於使人陳典籤處檢獲見十餘片伊輩不識此是何等見有挾雄黃或謂是丹砂示吾吾乃示諸并又屬覓於是漸漸而來好者作雞冠色不臭而堅實若黝黑及虛軟者不好也武都氐羌是為仇池宕昌亦有與仇池正同而小者燉煌在涼州西數千里所出者未嘗得來江東不知當復云何此藥最要無所不入唐本注云出石門名石黃者亦是雄黃而通石黃食石而石門者最為劣爾宕昌武都者為佳塊方數寸明澈如雞冠或以為枕服之辟惡具青黑堅者不入藥用若火飛之而療瘡亦無嫌又云惡者名熏音訓黃用熏瘡疥故名之無別熏黃也貞觀年中以宕州新出有得方數尺者但重脆不可全致之爾臣高錫等謹按吳氏云雄黃神農苦山陰有丹雄黃生山之陽故曰雄是丹之雄所以名雄黃也本經云黃水出零陽縣西北連巫山溪出雄黃頗有神異採常以冬月祭祀鑿石深數丈方得故溪水取名焉抱朴子云雄黃當得武都山所出者純而

與雜其赤如雞冠光明眩者乃可用耳其但純黃似
雌黃色無光者不任作仙藥可以合理病藥耳藥性論
云雄黃金苗也殺百毒又名黃石味辛有大毒能治尸
症辟百邪鬼魅殺蟲毒人佩之鬼神不能近入山林虎
狼伏涉川濟毒物不敢傷蕭炳云雄黃君陳藏器云按
石黃今人敲取中精明者為雄黃外黑者為熏黃主惡
瘡殺蠱熏瘡疥蟻蟲及和諸藥熏嗽其武都雄黃燒不
臭熏黃中者燒則臭以此分別之蘇云通名未之是也
日華子云雄黃微毒治疥癬風邪癩癰嵐障一切蛇蟲
犬獸陽咬久服不飢通赤亮者為上驗之可以燭蟲死
者為真臭氣少細嚼口
中含湯不激辣者通用

圖經曰

雄黃生武都山谷燉煌山之陽今階州山中有
之形塊如丹砂明澈不挾石具色如雞冠者為

真者青黑色而堅者名熏音訓黃有形色似真而氣臭
者名臭黃並不入服食藥只可療瘡疥耳其臭以醋洗

之便可斷氣足以亂真用之尤宜細辨又階州接西戎界出一種水窟雄黃生於山巖中有水泉流處其石名青煙石白鮮石雄黃出其中其塊大者如胡桃挑小者如粟豆上有孔竅其色深紅而微紫體極輕虛而功用勝於常雄黃丹竈家尤所貴重或云雄黃金之苗也故南方近金坑治處時或有之但不及西來者真好耳謹按雄黃治瘡瘍尚矣周禮瘍醫凡療瘍以五毒攻之鄭康成注云今醫方有五毒之藥作之合黃瑩音武置石膽丹沙雄黃礬石磁石其中燒之三日三夜其煙上著以雞羽掃取之以注創惡肉破骨則盡出故翰林學士楊億嘗筆記直史館揚萬年少時有瘍生於頰連齒輔車外腫若覆甌內潰出膿血不輟吐之痛楚難忍療之百方痼年不差人語之依鄭法合燒藥成注之創中少頃朽骨連兩牙潰出遂愈後便安寧信古方攻病之速也黃瑩若今市中所貨有蓋瓦合也近世合丹藥猶用黃瓦甌亦名黃瑩事出於古也

雷公云

凡使勿用黑雞黃自元黃失膩黃其臭黃真似雄黃只是臭不堪用時人以醋洗之三兩度便

無臭氣勿誤用也次有失膩黃亦似雄黃其內一重黃一重石不堪用次有黑雞黃亦似雄黃如烏雞頭上冠也凡使要似鷓鴣鳥肝色為上凡修事先以甘草紫背天葵地膽碧菱花四件並細剉每件各五兩雄黃參兩下東流水入埧中煮三伏時澆出搗如粉水飛澄去黑者曬乾再研方入藥用其內有劫鐵石是雄黃中有又號赴矢黃能劫於鐵並不入藥用

聖惠方

治傷寒狐惑毒蝕下部肛外如蠶痛痒不止以雄黃半兩先用瓶子一箇口稍大者內入灰上

如裝香火將雄黃燒之候煙出當病處薰之

外臺秘要

治骨蒸極熱以一兩和小便一升研如粉乃取黃理石一枚方圓可一尺以炭火燒之三

食頃極熱濃雄黃汁於石上恐大熱不可近宜著一片
薄氈置石上令患人脫衣坐石上冷停以衣被圍遠身

勿令藥氣泄出

經三五度差

又方

被毒箭搗為末傅之沸
汁出愈亦療蛇咬毒

千金方

治婦人始覺有妊養胎轉女
為男以一兩絳囊盛帶之

又方

治耳聾以雄黃硫黃等
分為末綿裹塞耳中

又方

卒中鬼擊及刀兵所傷血漏腹中不出煩滿
欲絕雄黃粉酒服一斗圭日三服化血為水

又方

治癰疽瘡積聚去三尸益氣延年却老以雄黃二兩
細研為末九度水飛過却入新淨竹筒內盛以蒸

餅一塊塞筒口蒸七度用好粉脂一兩為丸如菰豆大
日三服酒下七九十九三年後道成益力不飢玉女來

侍

肘後方

金瘡血內漏以雄黃末如大豆肉瘡中又服五錢七血皆化為水卒以小便服之

經驗方

治馬汗入肉雄黃白礬等分更用烏梅三箇槌碎巴豆一箇合研為細末以半錢七油調傳患

處

斗門方

辟魔以一塊帶頭上妙

博濟方

治偏頭疼至靈散雄黃細辛等分研令細每用一字已下左邊疼嗅入右鼻右邊疼嗅入左鼻

効立

續十全方

治纏喉風雄黃一塊新汲水磨急灌吐下差

集驗方

治卒厥雄黃搗為末細篩以管吹入鼻孔中

傷寒類要

治小腹痛滿不得小便及療天行病雄黃細研蜜丸如棗核內溺孔中

又方

殺蟲以末如棗塞牙間

抱朴子

餌之法或以蒸煮或以酒服或以消石化為水乃凝之或以猪脂裹蒸之於赤土下或以松脂

和之或以三物煉之引之如布白如冰服之皆令人長生百病除三尸下癥痕滅白髮黑墮齒生十年玉女來侍可使鬼神又云玉女常以黃土為誌大如黍米在鼻上是真玉女無此誌者鬼試人也帶雄黃入山林即不畏蛇若蛇中人以少許末傳之登時愈蛇雖多種唯蝮蛇及青金蛇中人為至急不治一日即死人不曉治之方術者為二蛇中人即以刀急割瘡肉投地其肉沸如火災須臾盡焦而人得活也此蛇七月八月毒盛之時

不得嚙人其毒不泄乃以
牙刺大竹木即亦焦枯

太平廣記

劉無名成都人也志希延生謂古方草木之

藥但愈疾得效見火輒為灰燼日不能固豈
有延生之力哉乃入霧中山常遇人教服雄黃凡三十
餘年一旦有二人赤巾朱服徑詣其室劉問何人對曰
我泰山直事追攝子耳不知子以何術我已三日冥期
迫促而無計近子將欲陰符譴責以稽延獲罪故見形
相問劉曰余無他術但冥心至道不視聲利靜處幽山
志希度世而已二使曰子之黃光照灼於項迨高數尺
得非雄黃之功乎今子三尸已去而積功未著大限既
盡將及死期豈可苟免劉聞其語心魂憂迫不知所為
二使謂之曰岷峨青城神仙之府可以求真師訪尋要
道我聞鉉承朱髓可致沖天此非高真上仙須得修煉
之旨復入青城北崖之下見一洞行數里忽覺平博殆
非人世遇神仙居其間云青城劉真人劉祈叩再三具

述所值恩使追攝之由願示要道以拔沉淪賜度生死之苦真人指一巖室使栖止其中復令齋心七日乃視其陽爐陰鼎桑金煉化水玉之方伏汞鍊鉉成朱髓之訣孤剛於陰長生皆得此道亦名金液九丹之經丹分三品以鉉為君以汞為臣八石為使黃芽為田君臣相得運火功全七日為輕水二七日變紫鋒三七日五彩具內赤土黃狀如窻塵復運火二年日周六百再經四時重復長至初則十月離胞胎已成初品即能乾汞成銀凡而服之可以祛疫二年之外服者延年益壽白髮返黑三年之後服之刀圭散居名山周遊四海為初品地仙服之半劑變化萬端坐在立去駕馭飛龍白日昇天大都此藥經十六節已為中品便能使人長生藥成之日五金八石黃牙諸物與君臣二藥不相雜亂千日功畢名上品還丹謹而藏之勿示非人世有其人視形氣功行合道依而傳之劉受丹訣還霧中山築室修煉三年乃成開成二年猶駐於蜀自述無名傳以示後人

入青城山去
不知所終矣

太上八帝玄經

小丹法相雄黃栢子拘魂制魄方栢子
細歸去滓松脂十斤以松栢子雄黃各

二斤色如赤李合藥白中復搗如蒸藥一日如餌
正坐北向平旦頓服五九百日之後與神人交見

明皇雜錄

有黃門奉使交廣回周顧謂曰此人腹中有
蛟龍上驚問黃門曰卿有疾否曰臣馳馬大

庾嶺時當大熱困且渴遂飲水覺腹中堅痞如石周遂
以消石及雄黃煮服之立吐一物長數寸大如指視之
鱗甲具投之水中俄頃長數尺復以苦酒沃之
如故以器覆之明日已生一龍矣上甚訝之

唐書

甄立言究習方書仕唐為太常丞有道人心腹滿
煩滿二歲立言診曰腹有蟲誤食髮而然令餌雄

黃一劑少頃吐一蛇如人小
指惟無目燒之有髮氣乃愈

寶藏論

雄黃若以草藥伏住者熟鍊成汁胎色不移者將制諸藥成汁并添得者上可服食中可點銅

成金下可

變銀成金

丹房鏡源


雄黃千年化為黃金

衍義曰

雄黃非金苗今有金窟處無雄黃金條中言金之所生處處皆有雄黃豈處處皆得也別法治

蛇咬焚之燻蛇遠去又武都者鐫磨成磨形終不免其臭唐甄立言仕為太常丞有道人病心腹懣煩彌二歲診曰腹有蠱誤食髮而然令餌雄黃一劑少頃吐一蛇如拇指無目燒之有髮氣乃愈此殺毒蠱之驗也

廣州石硫黃



榮州土硫黃



石硫黃味酸溫太熱有毒主婦人陰蝕疽痔惡血堅筋
骨除頭禿療心腹積聚邪氣冷痺在脅欬逆上氣脚冷
痿弱無力及鼻衄惡瘡下部蠱瘡止血殺疥蟲能化金
銀銅鐵奇物生東海牧羊山谷中及太山河西山礬石

液也

陶隱居云東海郡屬北徐州而箕山亦有今第一
出扶南林邑色如鵝子初出殼名毘崙黃次出外

國從蜀中來色深而煌煌俗方用之療脚弱及痢冷甚
良仙經頗用之所化奇物並是黃白銜及金丹法此云
礬石液今南方則無礬石恐不必爾臣禹錫等謹按吳
氏云硫黃一名石留黃神農黃帝雷公鹹有毒醫和扁
鵲皆無毒或生易陽或河西或五色黃是清水石液也
燒令有紫焰者八月九月採治婦人血結藥性論云石

欽定四庫全書

卷四

硫黃君有大毒以黑錫煎湯解之及食宿冷豬肉味甘
太陽之精鬼焰居焉伏鍊數般皆傳於作者能下氣治
脚弱腰腎久冷除冷風頑痺又云生用治疥癬及瘰癧
熱欬逆鍊服主虛損泄精蕭炳云硫黃臣日華子云石
亭脂曾青為使畏細辛飛廉鐵壯陽道治瘰癧冷氣補
筋骨勞損風勞氣止嗽上氣及下部痔瘻惡瘡疥癬殺
腹藏蟲邪魅等煎餘
甘子汁以禦其毒也

圖經曰

石硫黃生東海牧羊山谷中及泰山河西山礬
石液也今惟出南海諸藩嶺外州郡或有而不
甚佳以色如鴉子初出殼者為真謂之崑崙黃其赤色
者名石亭能青色者號冬結石半白半黑名神驚石並
不堪入藥又有一種土硫黃出廣南及崇州溪澗水中
流出其味辛性熱腥臭主治疥瘡殺蟲毒又可煎鍊成
汁以模錫作器亦如鴉子黃色謹按古方書朱有服餌
硫黃者本經所說功用止於治瘡蝕及積聚冷氣脚弱

等而近世遂火鍊治為常服丸散觀其製鍊服食之法
殊無本源非若乳石之有論議節度故服之其效雖緊
而其患更速
可不成之

海藥

謹按廣州記云生崑崙日脚下顆塊瑩淨無夾石
者良主風冷虛憊腎冷止氣腿膝虛羸長肌膚益

氣力遺精痔漏老人風秘等並宜燒鍊服仙方謂之黃
硃砂能壞五金亦能造作金色人能制伏歸本色服而
能除萬病如有發動宜以猪肉鴨羹餘甘子湯並解
之蜀中雅州亦出光膩甚好功力不及舶上來者

雷公云

凡使勿用青赤色及半白半青半赤半黑者自
有黃色內瑩淨似物命者貴也凡用四兩先以

龍尾蒿自然汁一鎰東流水三鎰紫背天葵汁一鎰粟
遂子莖汁四件合之攪令勻一坩堝用六一泥固濟底
下將硫黃碎之入於坩堝中以前件藥汁漸漸添入火煮
之汁盡為度了再以百部末十兩柳炷末二斤一簇草

二斤細剉之以東流水并藥等同煮硫黃二枚時日滿去諸藥取出用熟甘草湯洗了入鉢中研二萬匝方用

聖惠方

治諸瘡弩肉如蛇出數寸用硫黃一兩細研於肉上薄塗之即便縮

外臺秘要

千金療小兒聾耳硫黃末以粉耳中日一夜一差止

肘後方

女子陰瘡未硫黃傅之差止

經驗方

大治元氣發久冷腹痛虛瀉諸病大效玉粉丹生硫黃五兩青鹽一兩已上衮細研以蒸餅

為丸如菜豆大每服五丸熱酒空心服以食壓之

梅師方

治陰生濕庖瘡取石硫黃研如粉傅瘡上日三度

博濟方

治陰陽二毒傷寒黑龍丹舶上硫黃一兩以柳木提研三兩日已豆一兩和殼記箇數用二升

鑄子一口先將硫黃鋪鑄底次用巴豆安硫黃上以米
飲醋半升已來澆之蓋子蓋合令緊密更以醋紙周圍
濟縫勿令透氣縫紙乾更以醋濕之文武火熬常著人
守之候裏面巴豆作聲約可一半為度急將鑄子離火
便入臼中急待令細再以醋兩茶腳洗鑄中藥入臼攪
入去皮蒸餅搗凡如雞頭大若是陰毒用椒四十九粒
葱白三莖水一盞煎至六分帶熱吞下一元陽毒用豆
豉四十九粒葱白二莖水一盞同煎吞下不得嚼破患
經五六月方可服之食前喫切在度其病勢可下即與
雖及日數病未傳入或未及其日病先在臟亦不可拘
制矣有孕婦人亦許服或吐或瀉為候不可喫熱食或
覺心頭空以溫白粥或服調氣湯散補之合時忌婦人
見

貓狗

孫尚藥

治氣虛傷冷暴作水瀉日夜三二十行腹痛不止
夏月路行備急朝真丹硫黃二兩牛角研令

極細枯白礬半兩同細研勻水浸蒸餅去水氣了和丸
如梧桐子大朱砂為衣每服十五丸至二十九丸溫米飲
鹽湯

下

玉玉方

玉方平通靈玉粉散治腰膝暖水藏益顏色其
功不可具載硫黃半斤桑柴灰五斗淋取汁煮

三伏時以鐵匙抄於火上試之伏火即止候乾以大火
煅之如未伏更煮以伏為度煅了研為散穿地坑一尺
二寸投水於中待水清取水 and 硫末水不得多於均塢
中煎熬令如膏及用鐵錢一面不著火上以細砂隔紙
慢炒出硫黃於紙上塢之自然如玉色光彩射人此號
為玉粉散細研即和以飯丸如麻子大空心每日鹽湯
下十丸散服亦鹽湯調兩字極有效驗余鄉人王昭
遂合服之年九十顏貌如童夜視細字力倍常人

太清服鍊靈砂法

石硫黃木出波斯國南明之境稟純
陽火石之精氣而結成質性通流含

其猛毒藥品之中號為將軍功能破邪
歸正返滯還清挺立陽精消陰化魄

丹房鏡源

石硫黃可乾汞訣曰此硫黃見五
金而黑得水銀而赤又曰黃牙

青霞子


硫黃散癖
硫黃水
秦始皇被神女唾之生瘡驚

衍義曰

石硫黃今人用治下元虛冷元氣將絕久患寒
泄脾胃虛弱垂命欲盡服之無不効中病當便

已不可盡劑世人蓋知用而為福不知用亦為禍此物
損益兼行若俱棄而不用當倉卒之間又可闕乎或更
以法製拒火而又常服者是亦弗思也在本朝則不言
如此服良但專治婦人不知者往往更以酒服其可得
乎或臟中久冷服之先利如病勢危急可
加丸數服少則不効仍如附子乾薑桂

階州雌黃



雌黃味辛甘平大寒有毒主惡瘡頭禿痂疥殺毒蟲凡蝮
身癢邪氣諸毒蝕鼻中息肉下部瘻瘡身面白駁散皮
膚死肌及恍惚邪氣殺蜂蛇毒鍊之久服輕身增年不
老令人臆滿生武都山谷與雄黃同山生其陰山有金

金精熏則生雌黃採無時

陶隱居云今雌黃出武都仇池者謂武都仇池黃色小赤

扶南林邑者謂崑崙黃色如金而似雲母甲錯畫家所
重依此言既有雌雄之名又同山之陰陽於合藥便當
以武都為勝用之既稀又賤於崑崙者仙經無單服法
雌以合丹砂雄黃共飛鍊為丹爾金精是雌黃銅精是
空青而服空青反勝於雌黃其義難了臣
禹錫等謹按藥性論云雌黃君不入湯服

圖經曰

雌黃生武都山谷與雄黃同山其陰山有金金精熏則生雌黃今出階州以其色如金又似雲

母甲錯可析者為佳其夾石及黑如鐵色者不可用或云一塊重四兩者析之可得千重此尤奇好也採無時

雷公云

凡使勿誤用夾石黃黑黃珀熟等雌黃一塊重四兩按乾寧記云指開拆得千重軟如爛金者

上凡修事勿令婦人雞犬新犯淫人有患人不男人非形人以及刑獄地與穢已上並忌若犯觸者雌黃黑如鐵不堪用也反損人壽凡修事四兩用天碧枝和陽草粟遂子草各五兩三件乾濕加一倍用菟竭子中煮三伏時了其色如金汁一椀在竭底下用東流水猛投於中如此淘三度了去水取出拭乾却於臼中搗篩過研如塵可用之

聖惠方

治烏癩瘡殺蟲用雌黃研如粉以醋并雞子黃打令勻塗於瘡上乾即更塗

又方

治婦人久冷血氣攻心疼痛不止以葉子黃一兩細研醋一升煎似稠糊丸如小豆大每服無時醋

湯下

五九

又方

治久心痛時發不定多吐清水不下飲食以雌黃二兩細研好醋二升慢火煎成膏用乾蒸餅丸如

梧桐子大每服

七九鹽湯下

百一方

天行病小腹滿不得小便細末雌黃蜜丸如棗核大肉溺孔中令入半寸亦以竹管柱陰冷痛

治之通

經驗方

縮小便以顆塊雌黃一兩半研如粉乾薑半兩切碎入鹽四大錢同炒令乾蒸餅入水為丸如

菜豆大每服十九至二十九空鹽湯下

斗門方

治肺勞咳嗽以雌黃一兩入瓦合內不周濟坐合子於地上用灰培之周匝令實可厚二寸以

炭一斤簇定預以火煨之三分去一退火待冷出研如麴用糖酥為丸如粟大每日空心杏仁湯下三九差

勝金方

治久嗽黑嗽勞嗽金粟九葉子雌一兩研細用紙筋泥固濟小合子一箇令乾勿令泥厚將藥

入合子內水調赤石脂封合子口更以泥封之候乾坐合子於地上上面以未入窰瓦坯子彈子大攤合之令作一尖子上用炭十斤簇定頂上著火一雙斗籠起令火從上漸熾候火消三分去一看瓦坯通赤則去火候冷開合子取藥當如鏡面光明紅色入乳鉢內細研湯浸蒸餅心為丸如粟米大每服二丸五九甘草水服服後睡良久妙

寶藏論

雌黃伏住火胎色不移鞞鎔成汁者點銀成金點銅成銀

丹房鏡源

黃背陰者雌也純柔者亦可乾永舶上喫血者上湖南者次青者本性葉子上者可轉疏

黃伏粉霜記

之不可誤使

青霞子


云雌黃辟邪去惡

衍義曰


雌黃入藥最稀服石者宜審諦治外功多方七點化術多用亦未聞其終始如何畫工或用之

解鹽









食鹽味鹹溫無毒主殺鬼蠱邪疰毒氣下部蠱瘡傷寒
寒熱吐胸中痰癖止心腹卒痛堅肌骨多食傷肺喜欬

陶隱居云五味之中惟此不可闕有東海北海鹽及河
東鹽池梁益鹽井交廣有南海鹽西羌有山鹽胡中有
樹鹽而色類不同以河東者為勝東海鹽官鹽白草粒
細北海鹽鹽黃草粗粗以作魚鮓及鹹菹乃言北勝而藏
蘭必用鹽官者蜀中鹽小淡廣州鹽鹹苦不知其為療
體復有優劣否西方北方人食不耐鹹而多壽少病好
顏色東方南方人食絕欲鹹而少壽多病便是損人則
傷肺之效矣然以浸魚肉則能經久不敗以沾布帛則
易致朽爛所施處各有所宜也今注唐本元在米部今
移臣禹錫等謹按蜀本云多食令人失色膚黑損筋力
也藥性論云鹽有小毒能殺一切毒氣鬼疰氣主心痛
中惡或連腰臍者鹽如雞子大青布裏燒赤內酒中頓

服當吐惡物主小兒卒不尿安鹽於臍中灸之面上五
色瘡鹽湯綿浸揭瘡上日五六度易差又和槐白皮切
蒸治脚氣又空心指齒少時吐水中洗眼夜見小字良
治婦人陰處疼痛者鹽青布裏熨之主鬼疰尸疰下部
蝕瘡炒鹽布裏坐熨之兼主火灼瘡陳藏器云按鹽本
功外除風邪吐下惡物殺蟲明目去皮膚風毒調和腑
臟消宿物令人壯健人卒小便不通炒鹽內臍中即下
陶公以為損人斯言不當且五味之中以鹽為主四海
之內何處無之惟西南諸夷稍少人皆燒竹及水鹽當
之日華子云暖火歲及霍亂心痛金瘡明目止風淚邪
氣一切瘡傷瘡腫消食滋五味長肉補皮膚通大小便
小兒疝氣并內疳氣以葛袋盛於戶口懸之父母用手
撚并盡即
疾當愈

圖經曰

食鹽舊不著所出州郡陶隱居云有東海北海
鹽及河東鹽池梁益有鹽井交廣有南海鹽西

羌有山鹽胡中有木鹽而色類不同以河東者為勝河東鹽今解州安邑兩池所種鹽最為精好是也又有并州兩監末鹽乃刮鹹煎鍊不甚佳其鹹蓋下品所著鹵鹹生河東鹽池者謂此也下品又有大鹽生邯鄲及河東池澤蘇恭云大鹽即河東印鹽人之常食者形粗於末鹽乃似今解鹽也解人取鹽於池傍耕地沃以池水每鹽南風急則宿皆成鹽滿畦彼人謂之種鹽東海北海南海鹽者今滄密楚秀溫台明泉福廣瓊化諸州官場煮海海南海鹽者今滄密楚秀溫台明泉福廣瓊化諸州官場煮海水作之以給民食者又謂之澤鹽醫方所謂海鹽是也其煮鹽之器漢謂之牢盆今或鼓鐵為之或編竹為之上下周以蜃灰廣文深尺平底窰於窰皆謂之鹽盤南越志所謂織篾為鼎和以牡蠣是也然後於海濱掘池為坑上布竹木覆以蓬茅又積沙於其上每潮沙種沙鹵鹹淋於坑中水退則以火炬照之鹵氣衝火皆滅因取海鹵注盤中煎之頃刻而就管子曰齊有渠展之鹽代甄新煮海水征積之十月始生至于正月成三

萬是也。蘊薪謂以茅蘊燃火也。梁益鹽井者，今歸州及四川諸郡皆有鹽井，汲其水以煎作鹽，如煮海法。但以食其方之民耳。西羌山鹽，胡中木鹽者，即下條云光明鹽。生鹽州下品有戍鹽，生胡鹽山及西羌北地酒泉福祿城東南角北海青南海赤者是也。然羌胡之鹽種類自多，陶注又云：虜中鹽有九種，白鹽、食鹽、常食、煮黑鹽、桑鹽、赤鹽、駁鹽、臭鹽、馬齒鹽之類。今人不能徧識醫家治眼及補下藥，多用青鹽。疑此即戎鹽，而本經云北海青南海赤，今青鹽從西羌來者，形塊方稜，明瑩而青黑色，最奇。北胡來者，作大塊而不光瑩，又多孔竅，若蜂窠狀，色亦淺於西鹽。彼人謂之鹽枕，入藥差劣。北胡又有一種鹽，作片屑如碎白石，彼人亦謂之青鹽。絨封於匣中，與鹽枕並作禮贄，不知是何色類。又隋州出一種石鹽，生山石中，不由煎鍊，自然成鹽，色甚明瑩，彼人甚貴之。云即光明鹽也。醫方所不用，故不能盡分別也。又通秦海州並有停戶刮鹹煎鹽，輸官如并州夫鹽之類，以

供給江湖極為饒衍其味乃優於并州末鹽也濱州亦
有人戶煎鍊草土鹽其色最粗黑不堪入藥但可噉馬
耳又下有錄鹽條云光明鹽硃砂青銅屑釀之為塊綠
色真者出焉者國水中石下取之狀若扁青空青今不
聞識此者醫方亦不用唐柳柳州纂救三死治霍亂鹽
湯方云元和十一年十月得乾霍亂上不可吐下不可
利出冷汗三大斗譁氣即絕河南房偉傳此湯入口即
吐絕氣復通其法用鹽一大匙熬令黃童子小便一升
二物溫和服之少頃吐下即愈劉禹錫傳信方著崔中
丞鍊鹽黑丸方鹽一升搗末內粗甕瓶中實築泥頭訖
初以燭火燒漸漸加炭火勿令服破候赤微鹽如水汁
即去火其鹽冷即凝破瓶取之豉一升熬焦桃仁一大
兩和麩熬令熟已豆二大兩去心膜紙中熬令油出須
生熟得所熟即少力生又損人四物各用研搗成熟藥
秤量蜜和丸如梧子每服三丸皆平旦時服天行時氣
豉汁及茶下並得服後多喫茶汁行藥力心痛酒下入

口便止血痢飲下初變水痢後便止鬼瘡茶飲下骨熱
白蜜湯下忌冷漿水合藥久則丸稍加令大凡服藥後
吐痢勿怪服藥二日忌口兩日吐痢苦多即煎黃連汁
服止之平旦服藥至小食時已來不吐痢者或遇殺藥
人即更服一兩九投之其藥冬中合臘月尤佳薤合子
中盛貯以臘紙封之勿令洩氣清河崖能云合得一劑
可救百人天行時氣卒急覓諸藥不得又恐過時或
在道途或在村落無諸藥可承但將此藥一刀圭即敵
大黃朴消數兩曾試有效宜行於閭里閭及所使輩若
小兒女子不可服多被攪作耳唐方又有藥鹽法出於
張文仲唐之士

大夫多作之

食療

蠅屎瘡鹽三升水一斗煮取六升以綿浸湯淹
瘡上又治一切氣及脚氣取鹽三升蒸候熱分裹

近壁脚踏之令脚心熱又和槐白皮蒸用亦治脚氣夜
夜與之良又以皂莢兩挺鹽半兩同燒令通赤細研夜

夜用指齒一月後有動者齒
及血壘齒並差其齒牢固

聖惠方

治小兒臍風濕以鹽二兩豉二合相和爛搗捏
作餅子如錢大安新瓦上炙令熱以熨臍上差

亦用黃藥

未傅之

又方

治肝藏氣虛風冷搏於筋偏體轉筋入腹
不可忍熱湯三斗入鹽半斤稍熱清之効

外臺秘要

治胸心痰飲傷寒熱病瘴瘧須吐者以鹽末
一大匙以水或煖湯送下須臾則吐吐不快

明旦更服
服甚良

又方

治天行後兩脇脹滿熱鹽熨
之如小便澀亦用熨臍下

又方

療風月體如蟲行鹽一斗水一石煎減
半澄清溫洗浴三四度亦療一切風

千金方

治齒斷宣露每旦捻鹽內口中以熱水含偏齒百偏不過五日齒即牢密

又方

治逆生以鹽塗兒足底又可急爪搔之并以鹽摩產婦腹上

千金翼

凡諸瘡癰初生或始痛痒以單方救不差嚼鹽塗之妙

肘後方

治中風但腹中切痛以鹽半斤熬令水盡著口中飲熱湯二升得吐愈

又方

齒疼斷間出血極驗以鹽末每夜厚封齒斷上有汁滌盡乃卧其汁出時仍叩齒勿住不過十夜疼

血止更久尤佳長忌猪魚油菜等

又方

卒得風覺耳中恍恍者急取鹽五升甄蒸使熱以耳恍之冷復易

又方

治耳卒疼痛以鹽蒸熨之

又方

手足忽生疣目以鹽傅疣上今古紙之不過三度

又方

治金瘡中風煎鹽令熱以匙抄澀却水熱瀉瘡上令更著一日許勿住取差大效

又方

治赤白久下穀道疼痛不可忍宜服溫湯熬鹽熨之又火枳實熨之妙

經驗方

治蛇蝎咬濃作鹽湯浸身數徧差浙西軍將張詒為此蟲所咬其形如大風眉鬚皆落每夕蛇

蝎鳴于體有僧教以此方愈

梅師方

治心腹脹堅痛悶不安雖未吐下欲死以鹽五合水一升煎令消頓服自吐下食出即定不吐

服更

又方

治金中經脈傷皮及諸大脈血出多心

欠之曰車

之

誦類本草

又方

治蜈蚣咬人痛衣止嚼鹽沃上及以鹽湯浸
瘡極妙其蜈蚣有赤足者螫人黃足者痛甚

又方

治熱病下部有壅蟲生瘡熱
鹽綿裏熨之不過三度差

孫真人食忌

主眯眼者以少鹽并
豉置水視之立出

又方

主卒喉中生肉以綿裏筋
頭柱鹽揩日六七度易

又方

主卒中尸過其狀腹脹氣急衝心或
塊起或牽腰脊者是服鹽湯取吐

食醫心鏡

鹽主殺鬼蠱氣下部壅瘡傷寒熱吐胸中
痰癖止心腹卒痛堅肌骨黃帝云食甜瓜更

食鹽成霍亂又主大小腸不通
取鹽和苦酒傅臍中乾即易

廣利方

治氣淋臍下切痛
以鹽和醋調下

集驗方

主毒箭以鹽貼瘡
上灸鹽三十壯差

范汪方

主轉筋以鹽一升水
一升半作湯洗漬之

又方

主目中淚出不得開即刺痛方以鹽如大豆許肉目中習習去鹽以冷水數洗目差

產寶方

治妊娠心腹痛不可忍以一斤鹽燒令赤以三指取一撮酒服差

子母秘錄

小兒撮口鹽
豉臍上灸之

後魏李孝伯傳

鹽九種各有所宜白鹽主上所自食
黑鹽治腹脹氣滿末之以酒服六銖

素問

鹽勝血發
渴之證

丹房鏡源

鹽消作汁
拒火之力

欽定四庫全書

言草木草


二十七

行義曰


食鹽素問曰鹹走血故東方食魚鹽之人多黑

北狄用以淹尸取其不壞也至今如此若中蝨蚘毒當
以鹽洗沃亦宜湯化飲汁其燒剝金銀鎔汁作藥仍須
以鹽湯漱即已益齒走血之驗也

取 水 銀 朱 砂



煅水銀鑪



水銀味辛寒有毒主疹癰痂

音加 羊

白禿殺皮膚中蟲

墮胎除熱以傅男子陰陰消無氣殺金銀銅錫毒鎔化

還復為丹久服神仙不死一名永生符陵平土出於丹

砂

畏慈石陶隱居云今水銀有生熟此云生符陵平土者是出朱砂腹中亦別出沙地皆青白色

最勝出於丹砂者是今燒粗末朱砂所得色小白濁不及生者甚能消化金銀使成泥人以鍍物是還復為丹事出仙經酒和日暴服之長生燒時飛著金上灰石汞粉俗呼為水銀灰最能去蟲唐本注云水銀出於朱砂皆因熱氣未聞朱砂腹中自出之者火燒飛取人皆解法南人蒸取之得冰銀雖少而朱砂不損但色少變黑爾今按陳藏器本草云水銀本功外利水道去熱毒入耳能

食腦至盡入肉令百節攣縮到陰絕陽人患瘡疥多以水銀塗之性滑重直入肉宜謹之昔北齊徐王療瘡壁病以金物火炙熨之水銀得金當出蝕金候金色白者是也如此數度並差也臣禹錫等謹按廣雅云水銀謂之瀕紅華切藥性論云水銀君殺金銅毒妊女也有大毒朱砂中液也此還丹之元母神仙不死之藥伏鍊五金為泥生能墮治主療癰疥等緣殺蟲日華子云水銀無毒治天行熱疾催生下死胎治惡瘡除風安神鎮心鎔金燒粉人多患風或大段使作須飲酒并肥猪肉及服鐵漿可禦其毒

圖經曰

水銀生符陵平土今出秦州商州道州郡武軍而秦州乃果自西羌界經云出於丹砂者乃是山石中採粗次朱砂作爐置砂於中下承以水上覆以盆器外加火煨養則煙飛於上水銀溜於下其色小白蜀陶隱居云符陵平土者是出朱砂腹中亦別出沙地皆青白色今不聞有此至於一山自拆裂人採得砂石

皆大塊如升斗碎之乃可燒燬故西來水銀極多於南方者謹按廣雅水銀謂之澗丹竈家乃名汞蓋字亦通用耳其鑪蓋上灰亦名澗粉是也又飛煉水銀為輕粉醫家下膈最為要藥服者忌血以其本出於丹砂故也

雷公云

凡使勿用草中取者并舊朱漆中者勿用經別藥制過者勿用在苑過者半生半死者其水銀若在朱砂中產出者其水銀色微紅收得後用胡蘆收之免遺失若先以紫背天葵并夜交藤自然汁二味同煮一伏時其毒自退若修十兩用煎二味汁各二鎰和煮足為度

聖惠方

誤吞金銀鐸子釵子以半兩吞之再服即出

經驗後方

治心風秘水銀一兩藕節八箇先研藕節令細次入水銀同研成砂子丸如雞頭大每服

二丸磨刀水

下一二服差

梅師方

治胎死腹中不出其母氣絕以水銀二兩吞之立出

又方

治難產以水銀二兩先煮之後服立差

又方

治痔瘻道中蟲痒不止以水銀棗膏各二兩同研相和搗如棗形狀薄綿片裏內下部明日蟲出若

痛者如粉三

大分作丸

漢武帝內傳曰

封君達隴西人初服黃連五十餘年入烏峯山服水銀百餘年還鄉里如二十

者常乘青牛故號青牛道士

太清服鍊靈砂法

承稟五陽神之靈精會符合為一體故能輕飛玄化感遇萬靈

丹房鏡源

可以勻食可為涌泉置益藉死水銀之氣也


衍義曰

水銀入藥雖各有法極須審謹有毒故也婦人多服絕娠今人治小兒驚熱涎潮往往多用經

中無一字及此亦宜詳諦得鉉則凝得硫黃則結併棗肉研之則散別法煨為臙粉粉霜唾研斃風筒得之則明灌屍中則令尸後腐以金銀銅鐵置其上則浮得紫河車則伏唐韓愈云太學博士李干遇信安人方士柳青能燒水銀為不死藥以鉉滿一鼎按中為空實以水銀蓋封四際燒為丹砂服之下血比四年病益急乃死余不知服食說自何世起殺人不可計而世慕尚之一至此其惑也在文書所記及耳聞傳者不說念直取目見親與之游而以藥敗者六十公以為世誠工部尚書歸登自說既服水銀得病若有燒鐵杖自顛貫其下推而為火射竅節以出狂痛號呼乞絕其茵蓆得水銀發且止唾血十數年以斃殿中御史李虛中疽發其背死刑部尚書李遜謂余曰我為藥誤遂死刑部侍郎李建一日無病死工部尚書孟簡邀我於萬州屏人曰我得

秘藥不可獨不死。今遺子一器，可用藥肉為丸服之。別
一年而病後有人至，訊之曰：「前所服藥誤方，且下之下
則平矣。」病二歲卒。東川節度御史大夫盧坦溺血、肉痛，
不可忍，乞死。金吾將軍李道古以柳責得罪，食膏藥五
十死。海上此可為誠者也。斬不死，乃速得死，謂之「智可
不可也」。五穀三牲鹽醢果蔬，人所常御，人相厚勉，必曰：「
強食，今惑者皆曰：『五穀令人天，當務戒節。』臨死，乃悔。嗚
呼，哀也已。今有水銀燒成丹砂，醫人不曉，研為藥衣，或
入藥中，豈不違誤，可不謹哉！」

汾州石膏



石膏味辛甘微寒大寒無毒主中風寒熱心下逆氣驚喘口乾舌焦不能息腹中堅痛除邪鬼產乳金瘡除時氣頭痛身熱三焦大熱皮膚熱腸胃中隔氣解肌發汗止消渴煩逆腹脹暴氣喘息咽熱亦可作浴湯一名細石細理白澤者良黃者令人淋生齊山山谷及齊廬山

魯蒙山採無時

難子為之使惡莽草馬司毒公陶隱居云三郡之山即青州徐州也今出錢塘

縣皆在地中雨後時時自出取之如碁子白微最佳彭城者亦好近道多有而大塊用之不及彼仙經不須此唐本注云石膏方解石大體相似而以未破為異今市人皆以方解石代石膏未見有真石膏也石膏生於石

傍其方解石不因石而生端然獨處大者如升小者若拳或在土中或生溪水其上皮隨土及水苔色破之方解大者方尺今人以此為石膏療風去熱雖同而解肌發汗不如真者臣禹錫等謹按藥性論云石膏使惡已豆畏鐵能治傷寒頭痛如裂壯熱皮如火燥煩渴解肌出毒汗主通胃中結煩悶心下急煩燥治脣口乾焦和葱煎茶去頭痛蕭炳云石膏臣陳藏器云陶云出錢塘縣中按錢塘在平地無石膏陶為錯注蘇又注五石脂云五石脂中又有石膏似骨如玉堅潤服之勝鍾乳與此石膏乃是二物同名耳不可混而用之日華子云治天行熱狂下乳頭風旋心煩燥措齒益齒通亮理如雲母者上又名方解石

圖經曰

石膏生齊山山谷及齊廬山魯蒙山今汾並號耀州與元府亦有之生於山石上色至瑩白其

黃者不堪此石與方解石絕相類今難得真者用時惟取未破者以別之其方解石不附石而生端然獨處外

皮有土及水苔色破之皆作方稜石膏自然明瑩如玉
此為異也採無時方解石舊出下品本經云生方山陶
隱居以為長石一名方石療體相似疑是一物蘇恭云
療熱不減石膏若然似可通用但主頭風不及石膏也
又今南方醫家著一說云按本草石膏方解石大體相
似但方解石不因石端然獨處又云今市人皆以解方
石代石膏未見有真石膏也又陶隱居謂石膏皆在地
中雨後時時自出取之皆如碁子此又不附石生也二
說相反未知孰是今詳石膏既與方解石肌理形段剛
柔皆同但以附石不附石豈得功力頓異至於雌黃雄
黃之類亦有端然獨處者亦有附石而生者不聞別有
名號功力相異也但意今之所用石膏方解者自是方
解石石膏乃別是一物爾今石膏中時時有瑩徹可愛
有縱理而下方解者好事者或以為石膏然據本草又
名長石又有議者以謂青石間往往有白脈貫徹類肉
之有膏肪者為石膏此又本草所謂理石也然不知石

膏定是何物今且依市人用方解石然博物者亦宜堅
考其實也今密州九仙山東南隅地中出一種石膏白
而脆擊之內有火謂之玉火石彼土醫人常用之云味
甘微辛溫療傷寒發汗止頭目昏眩痛功與石膏等彼
土人或以當石
膏故以附之

雷公云

凡使勿用方解石方解石雖白不透明其性燥
若石膏出剡州茗山縣義情山其色瑩淨如水

精性良善也凡使之先於石臼中搗成粉以密
物羅過生甘草水飛過了水澄令乾重研用之

外臺秘要

蒸病五曰內蒸所以言內者必外寒內熱把
手附骨而熱也其根在五臟六腑之中必因

患後得之骨肉自消食飲無味或皮燥而無光蒸盛之
時四肢漸細足跌腫起石膏十兩研如乳粉法水和服
方寸七日再
以體涼為度

肘後方

葛氏療小便卒大數非淋令人瘦以石膏半斤搗碎水一斗煮取五升稍飲五合

梅師方

治熱油湯火燒瘡痛不可忍取石膏搗末細研用傅瘡愈

子母秘錄

治乳不下以石膏三兩水二升煮之二沸三日飲令盡妙

太上八帝玄變經

石膏發汗

丹房鏡源

石膏桂州者可結汞

別說云

謹按陶說出錢塘山中雨後時時自出今錢塘人乃鑿山以取之甚多搗為末作藥貨用浙

人呼為寒水石然入藥最勝他處者今既鑿山石而取乃是因石而生即石膏也陳藏器謂錢塘縣在平地無

識錢塘明矣

衍義曰

石膏二書紛辨不決未悉厥理詳本經元無方解石之說正緣唐本注石膏方解石大體相似


因此一說後人遂惑經曰生齊山山谷及齊盧山魯蒙山採無時即知他處者為非今圖經中又以汾州者編入前後人都不詳經中所言細理白澤者良故知不如是則非石膏也下有理石條中經云如石膏順理而細又白澤者有是則石膏也無是則非石膏也仍須是經中所言州土者方可入藥餘皆偏見可略不取仲景白虎湯中服之如神新校正仲景傷寒論後言四月已後天氣熱時用白虎者是也然四方氣候不齊又歲中氣運不一方所既異雖其說甚雅當此之時亦宜兩審若傷寒熱病或大汗後脈洪大口舌燥頭痛大渴不已或著暑熱身痛倦怠白虎湯服之無不効

益州金屑


欽定四庫全書

讀類本

二十六



信州生金



金屑味辛平有毒主鎮精神堅骨髓通利五臟除邪毒

氣服之神仙生益州採無時

陶隱居云金之所生處處皆有梁益寧三州多有出

水沙中作屑謂之生金辟惡而有毒不鍊服之殺人建
平晉安亦有金砂出石中燒鎔鼓鑄為碣雖被火亦未
熟猶須更鍊高麗扶南及西域外國成器皆鍊熟可服
仙經以醯蜜及猪肪牡荊酒輩鍊餌桑乾服之神仙亦
以合水銀作丹砂外醫方都無用者當是慮其有毒故
也仙方名金為木真今注醫家所用皆鍊熟金薄及以
水煎金器取汁用之固無毒矣按陳藏器拾遺云嶺南
人云生金是毒蛇屎此有毒常見人取金掘地深丈餘
至紛子石石皆一頭黑焦石下有金大者如指小猶麻
豆色如桑黃咬時極軟即是真金夫匠竊而吞者不見
有毒其疑金出水沙中乾上淘取或鵝鴨腹中得之即
便打成器物亦不重鍊煎取金汁便堪鎮心此乃藏器

傳聞之言全非按據皇朝收復嶺表詢其事於彼人殊無蛇原之事入藥當必用熟金恐後人覽藏器之言惑之故此明辨臣禹錫等謹按藥性論云黃金屑金薄亦同主小兒驚傷五藏風痼失志鎮心安魂魄揚損之云百鍊者堪生者殺人水飲合膏飲之即不鍊日華子云金平無毒畏水銀鎮心益五藏添精補髓調利血脈

圖經曰

金屑生益州銀屑生永昌陶隱居注云金之所生處處皆有梁益寧三州多有出水沙中作屑

謂之生金而銀所出處亦與金同但皆生石中耳蘇恭以為銀之與金生不同處金又出水中陳藏器云生金是毒蛇屎嘗見人取金蟠地深丈餘至紛子石石皆一頭黑焦石下有金大者如指小猶若麻豆色如桑黃咬時極軟即是真金鑿金出水沙中甌上淘取或鵝鴨腹中得之今注以陳說為非是然今饒信南劍登州出金採得金亦多端或有若山石狀者或有若米豆粒者若此類未經火皆可為生金其銀在鑛中則與銅相雜土

人採得之必以鉛再三煎鍊方成故不得為生銀也故下別有生銀條云出饒州樂平諸坑生銀鑛中狀如硬錫文理粗錯自然者真今坑中所得乃在土石中參溜成條若絲髮狀土人謂之老翁鬚似此者極難得方書用生銀必得此乃真耳金屑古方不見用者銀屑惟湯洪治癰腫五石湯用之今人彌不用惟作金銀薄入藥甚便又金石凌紅雪紫雪輩皆取金銀取汁此亦通用經缺者耳

海藥云

按廣州記云出大食國彼方出金最多凡是貨易並使金錢性多寒生者有毒熱者無毒主癰

癰風熱上氣咳嗽傷寒肺損吐血骨蒸勞極渴主利五臟邪氣補心並入薄為丸散服異志云金生麗水山海經說諸山出金極多不能備錄蔡州出瓜子金雲南山出顆塊金在石間採之黔南遂府吉州水中並產麩金又嶺表錄此云廣州治涯縣有金池彼中居人忽有養鵝鴨常於原中見麩金片遂多養收原淘之日得一

兩或半兩因

而至富矣

淮南子

陽燧見日然而為火許慎記云陽燧金也取金極無緣者熟摩令熱日中時日下以艾承之則

然得火也

太清服鍊靈砂法

金所稟於中宮陰己之魄性本剛服之傷損肌

寶藏論

凡金有二十件雄黃金雌黃金曾青金硫黃金土中金生鐵金熟鐵金生銅金鋤石金砂子金

土碌砂子金金母砂子金白錫金黑鉍金朱砂金已上十五件惟祇有還丹金水中金瓜子金青麩金草砂金

等五件是真金餘金並皆是假

丹房鏡源

楚金出漢江五溪或如瓜子形雜衆金帶青色若天生牙亦曰黃牙若制水銀朱砂成器

為利術不堪食
內有金氣毒也

青霞子

金液還丹論金末增
年又黃金破冷除風


衍義曰

金屑不曰金而更加屑字者是已經磨屑可用
之義如玉漿之義同二經不解屑為未盡蓋須

烹鍊銀屑為薄方可研屑入藥陶隱居云凡用銀屑以
水銀和成泥若非銀屑成薄焉能以水銀和成泥也獨
不言金屑亦其關也生金有毒至於殺人仍為難解有
中其毒者惟鷓鴣肉可解若不經鍛屑則不可用顆塊
金即穴山或至百十尺見伴金石其石褐色一頭如火
燒黑之狀此定見金也其金色深赤黃疑金即在江沙
水中淘汰而得其色淺黃此等皆是生金也得之皆當
銷鍊疑金耗折少塊金耗折多入藥當用塊金色既深
則金氣足餘更防卷製成及點化者如此焉得更造
化之氣也若本朝張永德字抱一井州人五代為潞帥

淨化二年改并州初寓雖陽有書生鄰居卧病永德療之獲愈生一日就永德求永五兩即置鼎中煮成中金永德懇求藥法生曰君當肯吾不吝此慮損君福鍛工畢升言祥符年嘗在禁中為方士王掇鍛金以鐵為金凡百餘兩為一餅輒解為八段謂之鴉背金初自治中出色尚黑由是言之如此之類乃是水銀及鐵用藥製成非造化所成功治焉得不差殊如惠民局合紫雪用金蓋假其自然金氣耳然惡錫又東南方金色深西南方金色淡亦土地所宜也入藥故不如色深者然得餘甘子則體柔亦相感爾

饒州銀屑



銀屑味辛平有毒主安五藏定心神止驚悸除邪氣久

服輕身長年生永昌採無時

陶隱居云銀之所出處亦與金同但皆是生石中鍊

餌法亦相似今醫方士鎮心丸用之不可生服爾為屑當以水銀研令消也永昌本屬益州今屬寧州仙經又有服鍊法此當無正主療故不為本草所載古者名金為黃金銀為白金銅為赤金今銅有生熟鍊熟者柔赤而本草並無用今銅青及大錢皆入方用並是主銅應在下品之例也唐本注云銀之與金生不同處金又兼出水中方家用銀屑當取見成銀薄以水銀消之為泥合消石及鹽研為粉燒出水銀淘去鹽石為粉極細用之乃佳不得已磨取屑爾且銀所在皆有而以號州者為勝此外多錫穢為劣高麗作帖者云非銀釧所出然色青不如號州者又有黃銀本經不載俗云為器辟惡乃為瑞物臣禹錫等謹按藥性論云銀屑若銀薄同主

定志去驚癇小兒
癇疾狂走之病

圖經

文具金
屑條下

海藥云

謹按南越志云出波斯國有天生藥銀波斯國
用為試藥指鏤大寒無毒主堅筋骨鎮心明目

風熱癲疾等並入薄於瓦散服之又燒朱粉竈下多年
沉積有銀號盃鉉銀光軟甚好與波斯銀功力相似
是難得今時燒煉家每一斤生鉉只煎得一二銖山海
經云東北樂平郡黨少山出銀甚多黔中生銀體骨硬
不堪入藥又按唐貞觀政要云十年有理書御史權萬
紀奏曰宣饒二州諸山極有銀坑採之甚是利益太宗
曰朕貴為天子無所乏少何
假取乎是知彼處出銀也

子母秘錄

妊娠卒腰痛如折銀一
兩水三升煎取二升飲之

太上八帝玄變經

銀屑
益壽

青霞子

金液還丹論
銀破冷除風

衍義曰

銀屑金條中已解屑義銀本出於礦須煎鍊而
成故名熟銀所以於後別立生銀條也其用與

熟銀大同世有術士能以朱砂而成為者有鉛汞而成為者
有焦銅而成為者何復更有造化之氣豈可更入藥既有
此類不可不區別其生銀即是不自礦中出而特然自
生者又謂之老翁鬚亦取像而言之耳然銀屑經言有
毒生銀經言無毒釋者漏略不言蓋生銀已生發於外
無蘊鬱之氣故無毒礦銀尚蘊蓄於石中鬱結之氣全
未敷暢故言
有毒亦惡錫

饒州生銀



生銀寒無毒主熱狂驚悸發癇恍惚夜卧不安譫語

音詹

邪氣鬼祟服之明目鎮心安神定志小兒諸熱丹毒並

以水磨服功勝紫雪出饒州樂平諸坑生銀鑛中狀如

硬錫文理粗錯自然者真

今附臣禹錫等謹按陳藏器云生銀味辛日華子云冷微

毒畏石亭脂磁石治小兒衝惡熱毒煩悶並水磨服忌生血又云朱砂銀冷無毒畏石亭脂磁石鐵延年益色鎮心安神止驚悸辟邪治中惡蠱毒心熱煎煩憂忘虛勞忌一切血

圖經

文具金屑條下

雷公云

金銀銅鐵器凡使在藥中用時即渾安置於藥中借氣生藥力而已勿誤入藥中用消人脂也

千金翼

治身有赤疵常以銀指令熱不久漸漸消

抱朴子

銀但不及金玉可以地仙也服之法麥漿化之亦可以朱草酒餌之亦可以龍膏鍊之然三服

輒大如彈丸者又非清貧道士所能得也

太清服鍊靈砂法

銀稟西方辛陰之神結精而為質性戾服之傷肝

寶藏論

大銀有一十七件真水銀銀白錫銀曾青銀土銀銀丹陽銀生鐵銀生銅銀硫黃銀砒霜銀雄

黃銀雌黃銀鑄石銀惟有至藥銀山澤銀草砂銀母砂

銀黑鉛銀五件是真外餘則假銀坑內石縫間有生銀

進出如布線土人曰

老翁鬚是正生銀也

丹房鏡源

銀生洛平盧氏縣褐色石打破內即白生於鉛坑中形如筍子此有變化之道亦曰自然

欽定四庫全書

證類本草

四十五

牙亦曰生鉛又曰自然鉛可為利銜
不堪食鉛內銀性有毒可用結砂子

衍義

文具銀
屑條下

靈砂味甘性溫無毒主五藏百病養神安魂魄益氣明
目通血脈止煩滿益精神殺精魅惡鬼氣久服通神明
不老輕身神仙令人心靈一名二氣砂水銀一兩硫黃
六銖細研先炒作青砂頭後入水火既濟爐抽之如束

針絞者成就也惡磁石畏鹹水茅亭話

揚子度餌猢猻
靈砂輒會人語

然可教好事者知之多以靈
砂飼猢猻鸚鵡犬鼠等教之

青霞子

靈砂若草伏得住火成汁不折可療風冷用
作母砂子置為銀若把五金折不成汁不堪

水銀粉味辛冷無毒畏磁石石黃通大腸轉小兒疳并

瘰癧殺瘡疥癬蟲及鼻上酒齕風瘡燥痒又名汞粉輕

粉峭粉忌一切血

新補見陳藏器及日華子

圖經

文具水銀條下

經驗方

治小兒喫泥及膿肚臍粉一分用沙糖搜和丸
如麻子大空心米飲下一丸良久瀉出泥土差

孫用和

治虛風不一散臍粉一兩用湯煎五度如麻脚
爛火上焙乾麝香半兩細研如粉每服一字溫

水調但是風臨時服半錢
或一錢已看虛實加減

又方

治血痢臍粉五錢定粉三錢同研勻用水浸蒸餅

枝水一盞煎湯


下艾湯多亦妙

衍義曰

水銀粉下涎藥并小兒涎潮痰癍多用然不可常服及過多則其損兼行若兼驚則尤須審

謹蓋驚為心氣不足不可下下之裏虛驚驚氣入心不可治若其人本虛便須禁此一物謹之至也

慈州磁石



磁石味辛鹹寒無毒主周痺

臣禹錫等謹按蜀本注云凡痺隨血脈上下不能左

右去者為周痺

風濕肢節中痛不可持物洗洗酸濟除大熱煩

滿及耳聾養腎藏強骨氣益精除煩通關節消癰腫鼠

痿頸核喉痛小兒驚癇鍊水飲之亦令人有子一名玄

石一名處石生太山川谷及慈山山陰有鐵處則生其

陽採無時

柴胡為之使殺鐵毒惡牡丹莽草是黃石脂陶隱居云今南方亦有好者能懸吸針虛連

三四為佳殺鐵毒消金仙經丹方黃白術中多用之臣

禹錫等謹按蜀本注云吸鐵虛連十數針乃至一二斤

刀器迴轉不落南州異物志云漲海崎頭水淺而多磁

石外微人乘舶皆以鐵鑠鋼之至此關以磁石不得過

吳氏云磁石一名磁君藥性論云磁石臣味鹹有小毒
能補男子腎虛風虛身強腰中不利加而用之陳藏器
云磁石毛味鹹溫無毒主補絕傷益陽道止小便白數
治腰脚去瘡癰長肌膚令人有子宜入酒出相州北山
磁石毛錢之母也取鐵如母之招子焉本經有磁石不
言毛石功狀殊也又言磁石寒此彌誤也日華子云
消腫毒小兒誤吞鐵針等即細末筋肉莫令斷與磁石
之同下

圖經曰

磁石生泰山山谷及慈山山陰有鐵處則生其
陽今慈州徐州及南海傍山中皆有之慈州者

歲貢最佳能吸鐵虛連十數針或一二斤刀器回轉不
落者尤真採無時其石中有孔孔中黃赤色其上有細
毛性溫功用更勝謹按南州異物志云漲海崎頭水淺
而多磁石徵外大舟以鐵鑊銅之者至此多不得過以

此言之海南所出尤多也按磁石一名玄石而此下句有玄石條云生泰山之陽山陰有銅銅者雌鐵者雄主療頗亦相近而寒溫銅鐵畏惡乃別蘇恭以為鐵液也是磁石中無孔光澤純黑者其功劣於磁石又不能懸針今北蕃以磁石作禮物其堤多光澤又吸針無力疑是此石醫方罕見

雷公云

凡使勿誤用玄中石并中麻石此石之二真相似磁石只是吸鐵不得中麻石心有赤皮粗是

鐵仙石也誤服之令人有惡瘡不可療夫欲驗者一斤磁石四面只吸鐵一斤者此名延年沙四面只吸得鐵八兩者號曰續夫石四面只吸得五兩已來者號曰磁石若夫修事一斤用五花皮一鎰地榆一鎰故綿十五兩三件並細剉以槌於石上碎作二三十塊子將磁石於甕孔子中下草藥以東流水煮三日夜然後漉出拭乾以布裹之向大石上再槌令細了却入乳鉢中研細如塵以水沉飛過了又研如粉用之

聖惠方

治小兒誤吞針用磁石如棗核大磨令光鑽作竅緣穿令含針自出

外臺秘要

療丁腫取磁石搗為粉醋和封之立拔根出差

錢相公篋中方

療誤吞錢以磁石裹許大一塊含之立出

鬼遺方

治金瘡腸出欲入之磁石滑石各三兩為末以白米飲調方寸匕服日再服

沈存中筆談

磁石指南

丹房鏡源

磁石四兩惕物上者伏丹砂養汞去銅暈軟硬汞堅頑之物服食不可長久多服必有大

患

青霞子

磁石毛治腎之疾

衍義曰

磁石毛輕紫石上輝澁可吸連針鐵俗謂之燭鐵石養益腎氣補填精髓時虛耳聾目昏皆用之

入藥須燒赤醋淬其玄石即磁石之黑色者也多滑淨其治體大同小異不可不分而為二也磨針鋒則能指南然常偏東不全南也其法取新續中獨縷以半芥子許蠟綴于針腰無風處垂之則針常指南以針橫貫燈心浮水上亦指南然常偏丙位蓋丙為大火庚辛金受其制故如是物理相感爾

石 玄



玄石味鹹溫無毒主大人小兒驚癇女子絕孕小腹冷痛少精身重服之令人有子一名玄水石一名處石生

太山之陽山陰有銅銅者雌玄者雄

惡松脂柏實茵桂陶隱居云本經磁

石一名玄石別錄各一種今按其一名處石既同療體又相似而寒溫銅鐵及畏惡有異俗方既不復用之亦無識其形者不知與磁石相類否唐本注云此孔中黃也但不能拾針療體如經劣於磁石磁石中有細孔孔中黃赤色初破好者能連十針一片鐵刀亦被迴轉其無孔光澤純黑者玄石也不能懸針

圖經

文具磁石條下

綠鹽味鹹苦辛平無毒主目赤淚出膚腎眇暗

唐本注云以光

明鹽硃砂赤銅屑環之為塊綠色真者出香國水中石下取之狀苦扁青空青為眼藥之要唐本先附

圖經

文具食鹽條下

海藥


謹按古今錄云波斯國在石上生味鹹澀主明目消醫點眼及小兒無辜瘡氣方家少見用也

按舶上將來謂之石綠裝色久而不變中國以銅醕造者不堪入藥色亦不久


後魏李孝伯云

亦鹽與鹽馬齒鹽駁鹽並非食鹽胡鹽治目痛已上白唐本注此並是綠鹽說

汾州凝水石



德順軍凝水石



凝水石味辛甘寒大寒無毒主身熱腹中積聚邪氣皮
中如火燒煩滿水飲之除時氣熱或五藏伏熱胃中熱
煩滿止渴水腫小腹痺久服不飢一名白水石一名寒
水石一名凌水石色如雲母可析者良鹽之精也生常

山山谷又中水縣及邯鄲

解巴豆毒畏地榆陶隱居云常山即恒山屬并州中水縣

屬河間郡邯鄲即趙郡並屬冀州域此處地皆鹹鹵故
云鹽精而碎之亦似朴消此石末置水中夏月能為水
者佳唐本注此石有兩種有縱理橫理色清明者為佳
或云縱理為寒水石橫理為凝水石今出同州韓城色
青黃理如雲母為良出澄城者斜理文色白為劣也臣
禹錫等謹按吳氏云仲農辛岐伯醫和扁鵲甘無毒李

氏大寒或生即即抹無時如雲母色藥性論云寒水石能壓丹石毒風去心煩渴悶解傷寒復勞

圖經曰

凝水石即寒水石也生常山山谷又出中水縣及邯鄲今河東汾隰州及德順軍亦有之此有

兩種有縱理者有橫理者色清明如雲母可析投水中與水同色具水凝動者為佳或曰縱理者為寒水石橫理者為凝水石三月採又有一種冷油石全與此相類但投沸油鑄中油即冷者是也此石有毒若誤用之今腰以下不能舉

雷公云

凡使先須用生薑自然汁煮汁盡為度細研成粉用每修十兩用薑汁一盞

經驗方

治小兒丹毒皮膚熱赤用寒水石半兩白土一分搗羅為末用米醋調傅之愈

集驗方

治風熱心躁口乾狂言渾身壯熱及中諸毒龍腦甘露丸寒水石半斤燒半日爭地坑內盆合

四面濕上擁起俟經宿取出甘草末天竺黃
各二兩龍腦二分糯米膏丸彈子大蜜水磨下

傷寒類要

治肉痺具人小便白
以凝水石主之也

丹房鏡源

凝水石可作油衣可食
制丹砂為匱伏玄精

衍義曰

凝水石又謂之寒水石紋理通徹人或磨刺為
枕以備暑月之用入藥須燒過或市人先入膩

粉中以亂真不可不察也陶隱居言夏月能
為水者佳如此則舉世不能得似乎失言

齊州陽起石



陽起石



陽起石味鹹微溫無毒主崩中漏下破子藏中血癥瘕
結氣寒熱腹痛無子陰痿不起補不足療男子莖頭寒
陰下濕痒去臭汗消水腫久服不肌令人有子一名白
石一名石生一名羊起石雲母根也生齊山谷及琅
邪或雲山陽起採無時

桑螵蛸為之使惡澤瀉茵桂雷
丸蛇蛻皮畏菴絲陶隱居

云此所出即與雲母同而其似雲母但厚實耳今用乃
出益州與磐石同處色小黃黑即磐石雲母根未知何
者是俗用乃稀仙經亦服之唐本注云此石以白色紋
理似殷孽仍夾帶雲母滋潤者為良故本經一名白石
今有用純黑如炭者誤矣雲母條中既云黑者名雲膽
又名地涿服之損人黑陽起石必為惡矣經言生齊山

齊山在齊州歷城西北五里採訪無陽起石陽起石
乃齊山西北六七里廬山出之本經云或雲山雲廬字
訛矣今泰山沂州惟有黑者其白者獨出齊州也臣禹
錫等謹按吳氏云陽起石神農扁鵲酸無毒桐君雷公
岐伯鹹無毒季氏小寒或生太山楊損之云不入湯藥
性論云陽起石惡石葵忌羊血味甘平主補腎氣精乏
腰疼膝冷濕痺能煖女子子宮久冷冷瘕寒瘕止月水
不定蕭炳云陽起石臣南海藥譜陽起石惟太山所出
黃者絕佳邢州鵠山出白者亦好日華子云治帶下溫
疫冷氣補五勞七傷合藥時燒後水煎用凝白者為上
圖經曰陽起石生齊山川谷及琅邪或雲山陽起石今
惟出齊州他處不復有或云邢州鵠山亦有之
然不甚好今齊州城西惟一土山石出其中彼人謂之
陽起山具山常有溫暖氣雖盛冬太雪徧境獨此山無
積白蓋石氣重蒸使然也山惟一穴官中常禁閉至初
冬則州發丁夫遣人監視取之歲月積久其穴益深鑿

鑿他石得之甚艱以色白肌理瑩明若狼牙者為上亦有挾他石作塊者不堪每歲採擇上供之餘州中貨之不爾市賈無由得也貨者雖多而精好者亦難得舊說是雲母根其中猶挾帶雲母今不復見此色古服食方不見用者今補下藥多使之採無時

丹房鏡源

陽起石可為外匱

青霞子

陽起治腎之疾

衍義曰

陽起石如狼牙者佳其外色不白如薑石其大塊者亦內白治男子婦人下部虛冷腎氣乏絕

子藏久寒須水飛研用凡石

藥冷熱皆有毒正宜斟酌

孔公孽味辛溫無毒主傷食不化邪結氣惡瘡疽瘰癧痔

利九竅下乳汁男子陰瘡女子陰蝕及傷食病常欲眠

睡一名通石殷孽根也青黃色生梁山山谷木蘭為之便惡細辛

陶隱居云梁山屬馮翊郡此即今鍾乳牀也亦出始興皆大塊打破之几鍾乳之類三種同一體從石室上汁溜積久盤結者為鍾乳牀即此孔公孽復溜輕好者為鍾瘵者為殷孽今人呼為孔公孽殷孽復溜輕好者為鍾乳雖一類而療體為異貴賤懸殊此二孽不堪丸散人皆搗末酒漬飲之甚療腳弱其前諸療恐宜水煮為湯也按今三種同根而所生各處當是隨其土地為勝爾唐本注云此孽次於鍾乳如牛羊角者中尚孔通故名通石本經誤以為殷孽之根陶依本經以為今人之誤其實是也臣禹錫等謹按蜀本云凡鍾乳之類有五種一鍾乳二殷孽三孔公孽四石牀五石花雖同一體而主療有異此二孽止可酒浸不堪入丸散藥用然甚

療脚弱脚氣石花石牀顯在後條吳氏云孔公孽神農
辛歧伯鹹扁鵲酸無毒色青黃藥性論云孔公孽忌羊
血味甘有小毒主治腰冷膝痺毒風男女陰蝕瘡治人
常欲多睡能使喉聲圓亮日華子云孔公孽味耳暖治
治結此即
殷孽牀也

圖經

大具石鍾
乳條下

青霞子

孽輕身
九肌

殷孽味辛溫無毒主爛傷瘀血洩痢寒熱鼠瘻癰瘕結
氣脚冷疼弱一名薑石鍾乳根也生趙國山谷又梁山

及南海採無時

惡防己畏朮陶隱居云趙國屬冀州此
即今人所呼孔公孽大如牛羊角長一

二尺左右亦出始興唐本注云此即石堂下孔公孽根也盤結如薑故名薑石俗人乃以孔公孽為之誤爾臣尚錫等謹按日華子云殷孽治筋骨弱并痔瘻等疾及下乳汁

圖經

文具石鍾乳條下

廣州蜜陀僧



蜜陀僧味鹹辛平有小毒主久痢五痔金瘡面上癰疥

面膏藥用之

唐本注云形似黃龍齒而堅重亦有白色者作理石文出波斯國一名沒多僧並胡

言也唐本先附臣禹錫等謹按蜀本注云五痔謂牡痔酒痔腸痔痔血痔氣痔日華子云味甘平無毒鎮心補五

藏治驚癇嗽嘔及吐痰等

圖經曰

蜜陀僧本經不載所出州土注云出波斯國今嶺南閩中銀銅治處亦有之是銀鉛脚其初採

礦時銀銅相雜先以鉛同煎鍊銀隨鉛出又採山木葉一

燒灰開地作鑪填灰其中謂之灰池置銀鉛於灰上更

加大火鍛鉛參灰下銀佳灰上罷火候冷出銀其灰池

感鉛銀氣置之積久成此物今之用者往往是此未必

胡中來也形似黃龍齒而堅重者佳

雷公云

時呼蜜陀僧凡使搗令細於甕中安置了

流水浸令滿若大黃一伏時
足去柳末紙袋取蜜陀僧用

聖惠方

治野黯斑點方用蜜陀僧二兩
細研以人乳調塗面每夜用之

又方

赤白痢所下不多過數不減用蜜陀僧三兩燒
令黃色研如粉每服醋茶調下一錢匕日三服

外臺秘要

今面生光方以蜜陀僧用
乳煎塗面佳東治療鼻皸

譚氏小兒方

療豆瘡癰面皸以蜜陀僧細研
水調夜塗之明旦洗去平復矣

別說云

今考市中所貨乃是用小甕瓶實鉛丹鐵成者
塊大者尚有小瓶形狀銀治所出最良而罕有

貨者外國者未嘗見
之通治口瘡最驗

衍義曰

密陀僧堅重難破如金色者佳

卷四

鐵精平微溫主明目化銅療驚悸定心氣小兒風癰陰

瘡脫肛

陶隱居云鐵落是染皂鐵漿生鐵是不破鐺音采鎗音錚釜之類銅鐵是雜鍊生鍊作刀鍊者

鐵精出鍛竈中如塵紫色輕者為佳亦以摩瑩銅器用之唐本注云單言鐵者錄鐵也鐵落是鍛家燒鐵亦沸砧上鍛之皮甲落者夫諸鐵療病並不入丸散皆煮取漿用之若以漿為鐵落銅生之汁復謂何等落是鐵皮滋液黑於餘鐵陶謂可以染皂云是鐵漿誤矣又鐵屑炒使極熱用投酒中飲酒療賊風瘰癧又裹以漿液療胡臭有驗今按陳藏器本草云凡言鐵療病不入丸散皆煮漿用之按今針砂鐵精俱堪染皂鐵並入丸散臣禹錫等謹按陳藏器云鐵漿取諸鐵於器中以水浸之經久色青沫出即堪染帛成皂兼解諸物毒入腹服之亦

鎮心明目主癩癰發熱急黃狂走六畜癩狂人為蛇犬
虎狼毒惡蟲等齧服之毒不入內也又云鐵燒主惡瘡
蝕蜜金瘡毒物傷皮肉止風水不入入水不爛手足皴
折瘡根結筋癰瘰癧毒腫染髮令永黑並及熱未凝塗
之少當乾硬以竹木焚火於刀斧刃上燒之津出如漆
者是也一名刀煙江東人多用之防水頃道瘰癧子以桃
核燒熏之又云殺蟲立効又云淬鐵水味辛無毒主小
兒甘毒飲一合此打鐵器時堅鐵槽中水又云針砂性
年無毒堪染白為皂及和沒食子染鬚至黑飛為粉功
用如鐵粉鍊鐵粉中亦別須之針是其真銅砂堪用人
多如雜和之謬也又云銀鎖下鐵屑味辛平無毒主鬼
打鬼疰邪氣水漬攪令沫出澄清去滓及暖飲一二盞
又云刀刃末年平無毒主蛇咬毒入腹者取兩刀於水
中相摩飲其汁又兩刀於耳門上相磨敲作聲主百蟲
入耳聞刀聲即自出也日華子云鐵屑治驚邪癩癰小
兒客忤消食及冷氣並煎汁服之也又云黎鏡尖浸水

名為鐵精可制朱砂石亭脂水銀毒

圖經

文具錢條下

聖惠方

陰脫錢精羊脂二味攪令稠布裏灸熟熨椎內之差

又方

食中有蠱毒令人腹內堅痛面目青黃淋露骨立病變無常用爐中錢精細研搗雞肝和為丸如梧

桐子大任食前後酒下五丸

百一方

產後陰下脫鐵精粉椎內之

又方

蛇骨刺人毒痛以鐵精精如大豆以管吹瘡內

子母秘錄

療陰腫鐵精粉傅之

姚和衆

治小兒固痢肛門脫以鐵精粉療之

太清服煉靈砂法

云鐵性堅服之傷肺

鐵漿鐵法中陶為鐵落是鐵漿蘇云非也按鐵漿取諸

鐵於器中以水浸之經久色青沫出即堪染皂兼解諸

毒入腹服之鎮心主癲癇發熱急狂走六畜癲狂人

為蛇犬虎狼毒刺惡蟲等啗服之毒不入內

見陳藏器

圖經

天具鐵條下

外臺秘要

療漆瘡以鐵漿洗之隨手差頻為之妙

梅師方

治時氣病骨中熱生庖
瘡碗豆瘡飲鐵漿差

秤錘主賊風止產後血瘕腹痛及喉痺熱塞並燒令赤
投酒中及熱飲之時人呼血瘕為兒枕產後即起痛不

可忍無錘用斧

今附臣禹錫等謹按陳藏器云秤錘味辛溫無毒日華子云銅秤錘平治產難

并橫逆產酒淬服陳藏器云鐵杵無毒主婦人橫產無
杵用斧並曉令赤投酒中飲之自然順生杵搗藥者是
也又云故鋸無毒主誤吞竹木入喉咽出入不得者燒
令赤漬酒中及熱飲並得日華子云鑰匙治婦人血噤
失音衝惡以生薑醋小便
煎服弱房人煎湯服亦得

圖經

文具鐵
條下

聖惠方

治婦人血疲痛用古秤錘或大斧或鐵杵以炭火燒赤內酒中三升已來稍稍飲之

外臺秘要

療妊婦卒下血燒枰鑊令赤內酒中沸定出飲之

千金方

妊婦脹滿及妊婦卒下血燒令赤投酒中服

產寶

治胞衣不出燒鐵杵鐵錢令赤投酒飲之

鐵華粉味鹹平無毒主安心神堅骨髓強志力除風邪

養血氣延年變白去百病隨所冷熱合和諸藥用棗膏

為丸作鐵華粉法取鋼鍛作葉如笏或團平面磨錯令

光淨以鹽水灑之於醋甕中陰處理之一百日鐵上衣

生鐵華成矣刮取更細擣篩入乳鉢研如麪和合諸藥

為丸散此鐵之精華功用強於鐵粉也

今附臣禹錫等謹按日華子云

鐵條粉止驚悸虛癆鎮五藏去邪氣強志壯筋骨治健忘冷氣心痛瘰癧瘰癧結脫肛痔瘻宿食等及博竹木刺其所造之法與華粉同惟懸於醬甌上就潤地及刮取霜時研淘去糞汁鹹味烘乾

圖經


文具鐵條下

經驗後方

治心虛風邪精神恍惚健忘以經使錐鐵四斤於炭火內燒令通赤投於醋中如此

七稿即堪打碎如碁子大以水二斗浸經二七日每於食後服一小盞

生 鐵



生鐵微寒主療下部及脫肛

臣禹錫等謹按日華子云生鐵鍛後飛淘去麗赤汁

烘乾用治痢疾鎮心安五藏能黑鬚髮治癰及惡瘡疥蜘蛛咬蒜摩生油傅並得今注解在鐵精條

圖經

文具鐵條下

千金方

治耳聾燒鐵令赤投酒中飲之仍以磁石塞耳中日一易夜去之旦別著

肘後方

治熊虎所傷毒痛煮生鐵令有味以洗之

又方

若被打瘀血在骨節及脇外不去以鐵一斤酒三升煮取一升服之

集驗方

治脫肛歷年不愈以生鐵二斤水一斗煮取五升出鐵以汁洗之日再

子母秘錄

治小兒卒得燥瘡一名爛瘡燒鐵淬水中二七遍以浴兒三二遍起作燥瘡漿

鐵粉味鹹平無毒主安心神堅骨髓除百病變白潤肌膚令人不老體健能食久服令人身重肥黑合和諸藥各有所主其造作粉飛鍊有法文多不載人多取雜鐵作屑飛之令體重真網則不爾其針砂市人錯錄鐵為屑和砂飛為粉賣之飛鍊家亦莫辨也

取網鐵為粉勝之今附

圖經

文具鐵條下

鐵落味辛甘平無毒主風熱惡瘡瘍疽瘡痂疥氣在皮膚中除胃腸中熱氣食不下止煩去黑子一名鐵液可

以染皂生牧羊平澤及祊

音

城或析城採無時

臣禹錫等謹按




日華子云鐵液治心驚邪一切毒蛇蟲及蠶漆咬瘡腸
風痔瘻脫肛時疾熱狂并染鬚髮今注解在鐵精條

圖經

文具錢條下

鐵

鋼



銅鐵味甘無毒主金瘡煩滿熱中胃腸氣塞食不化一

名跳

音條

鐵

今注

解在

鐵精條

圖經

文具

鐵

條下

桑 鐵



鐵主堅肌耐痛

臣禹錫等謹按詳定本草云作熱鐵日華子云鐵味辛平有毒畏磁石石灰炭等

能制石亭脂毒今注解在鐵精條

圖經曰

鐵本經云鐵落出牧羊平澤及坊音併城或析城諸鐵不著所出州郡亦當同處耳今江南西

蜀有爐冶處皆有之鐵落者鍛家燒鐵赤沸砧上打落細皮屑俗呼為鐵花是也初鍊去鏽用以鑄鑄器物者為生鐵再三鎔拍可以作刀劍鋒刃者為鋼鐵鍛竈中飛出生炭相雜和用以作刀劍鋒刃者為鋼鐵鍛竈中飛出如塵紫色而輕虛可以瑩磨銅器者為鐵精作針家磨鑄細末謂之針砂取諸鐵於器中水浸之經久色青沫出可以染皂者為鐵漿以鐵拍作片段置醋糟中積久衣生刮取之為鐵華粉入火飛鍊者為鐵粉作鐵華粉自有法文多不載諸鐵無正入丸散者惟煮汁用之華粉則研治極細合和諸藥又馬街秤鑄車轄及作鋸等

皆燒以萍酒用之刀斧刃磨水
作藥使俗俗用有效故載之

別說云

謹按鐵漿即是以生鐵漬水服餌者日取飲旋入新水日久鐵上生黃膏則力愈勝令人肌體

輕健唐太妃所服者乃此也若以染皂者為漿其酸苦臭濕安可近況為服食也

石腦味甘溫無毒主風寒虛損腰脚疼痺安五藏益氣

一名石飴餅生名山土石中採無時

陶隱居云此石亦鍾乳之類形如曹

青而白色黑斑軟易破今茅山東及西平山並有鑿土
龕取之俗方不見用仙經有劉君導仙散用之又真誥
曰李整採服療風痺虛損而得長生唐本注云隋時有
化公者所服亦名石腦出徐州宋里山初在爛石中入
土一丈已下得之天如雞卵或如棗許觸着即散如麴
黃白色土人號為握雪礬石云服之長生與李整相會

今附下品條中臣禹錫等謹按蜀本云今據下品握雪礬石主療與此不同蘇妾引握雪礬石注為之

圖經

文具石鍾乳條下

理石味辛甘寒大寒無毒主身熱利胃解煩益精明目破積聚去三蟲除榮衛中去來大熱結熱解煩毒止消

渴及中風痿痺一名立制石一名肌石如石膏順理而

細生漢中山谷及廬山採無時

滑石為之使惡麻黃陶隱居云漢中屬梁州廬

山屬青州今出寧州俗用亦稀仙經時須亦呼為長理石石膽一名立制今此又名立制疑必相亂類唐本注云此石夾兩石間如石脈打用之或在土中重疊而生皮黃赤肉白作針理文全不似石膏漢中人取酒漬服

之療癖令人肥悅市人或剗去皮以代寒水石并以
當礬石並是假偽今廬山亦無此物見出襄州西汎水
側也

圖經

文具長
石條下

丹房鏡源

長理石
可食

衍義曰

理石如長石但理石如石膏順理而細其
非順理而細者為長石治療亦不相違

欽定四庫全書



卷四

廣州珊瑚



珊瑚味甘平無毒主宿血去目中翳鼻衄末吹鼻中生

南海

唐本注云似玉紅潤中多有孔亦有無孔者又從波斯國及師子國來唐本先附臣禹錫等謹按日

華子云鎮心

止驚明目

圖經曰

珊瑚生南海注云又從波斯國及師子國來今廣州亦有云生海底作枝柯狀明潤如紅玉中

多有孔亦有無孔者枝柯多者更難得採無時謹按海

中經曰取珊瑚先作鐵網沉水底珊瑚貫中而生歲高

三二尺有枝無葉因絞網出之皆摧折在網中故難得

完好者不知今之取者果爾否漢積翠池中有珊瑚高

一大二尺一本三柯上有四百六十三條云是南越王

趙佗所獻夜有光景晉石崇家有珊瑚高六七尺今並

不聞有此

高大者

陳藏器云

珊瑚生石巖下刺刻之汁流如血以金投之為丸名金漿以玉投之為玉髓久服長生

海藥

按晉列傳云石崇金谷園珊瑚樹皮加苑生藥味甘平無毒主消宿血氣痛等疾按其主治與金相

也似

錢相公篋中方

治七八歲小兒眼有翳翳末堅不可妄傳藥宜無珊瑚散細研如粉每日少

點之三
日立愈

異物志云

出波斯國為人間至貴之寶也


衍義曰

珊瑚治醫目今人用為點眼筋有一等細油色有細縱文可愛又一種如鉛丹色無縱紋為下

入藥用紅油色者嘗見一本高尺許兩枝直上分十餘岐將至其顛則交合連理仍紅潤有縱紋亦一異也波

斯國海中有珊瑚洲海人乘大船墮鐵網水底珊瑚所
生磐石上白如菌一歲而黃三歲赤枝幹交錯高三四
尺鐵發其根繫網舶上絞
而出之失時不取則腐

南恩州石蟬



石蠃味鹹寒無毒主青盲目淫膚醫及丁醫漆瘡生南海又云是尋常蠃爾年月深久水沫相著因化成石每遇海潮即飄出又一般入洞穴年深者亦然皆細研水

飛過入諸藥相佐用之點目良

今附臣禹錫等謹按日華子云石蠃涼解一切

藥毒并蠱毒催生落胎療血暈消癰治天行熱疾並熱水磨服也又云浮石平無毒止渴治淋殺野獸毒

圖經曰

石蠃出南海今嶺南近海州郡皆有之體質石也而都與蟹相似或云是海蟹多年水沫相著

化而為石每海潮風飄出為人所得一棰入洞穴年深者亦然醋磨傅腫亦解金石毒採無時

衍義曰

石蠃直是今之生蟹更無異處但有泥與麗石相著凡用須去其泥并麗石止用蟹磨合他藥

點目中須水飛又云浮石水飛治目中翳今皮作家用
之磨皮土垢無出此石石蟹條中云浮石平無毒止渴
治淋殺野獸毒
合於此條收八

潞州長石



長石味辛苦寒無毒主身熱胃中結氣四肢寒厥利小便通血脈明目去醫眇下三蟲殺蠱毒止消渴下氣除脅肋肺間邪氣久服不飢一名方石一名土石一名直石理如馬齒方而潤澤玉色生長子山谷及太山臨淄採無時陶隱居云長子縣屬上黨郡臨淄縣屬青州俗方及仙經並無用此者唐本注云此石狀同石膏而厚大縱理而長文似馬齒今均州遵坂山有之土人以為理石者是長石也

國經曰

長石生長子山谷及泰山臨淄今惟潞州有之文如馬齒方面潤澤玉色此石頗似石膏但厚

大縱理而長為別耳採無時謹按本經理石長石二物二條其味與功效亦別又云理石如石膏順理而細陶

隱居云理石亦呼為長理石蘇恭云理石皮黃赤肉白作斜理不似石膏市人剝去皮以代寒水石并當鑿石今靈寶丹用長理石為一物醫家相承用者乃似石膏與今潞州所出長石無異而諸郡無復出理石醫方亦不見單用往往呼長石為長理石又市中所貨寒水石亦有帶黃赤皮者不知果是理石否

馬銜無毒主難產小兒癰產婦臨產時手持之亦煮汁

服一盞此馬勒口鐵也本經馬條注中已略言之

今附臣禹

錫等謹按本經難產通用藥云馬銜平日華子云古舊銜者好或作醫工針也今據本經馬條注中都無說馬銜之事不知此經所言何謂今姑存之云

圖經

文具鐵條下

聖惠方

治馬病痺喉中深腫連頰壯熱吐氣數者用馬銜一具水三大盞煎取一盞半分爲三服

礪石無毒主破宿血下石淋除癥結伏鬼物惡氣一名

磨石燒赤熱投酒中飲之即今磨刀石取塗傳蠅蝮溺

瘡有效又不欲人蹋之令人患帶下未知所由又有越

砥石極細磨汁滴目除障闇燒赤投酒中破血癥痛功

狀極同名又相近應是礪矣禹貢注云砥細於礪皆磨

石也

新補見陳藏器

石花味甘溫無毒酒漬服主腰脚風冷與殷孽同一名

乳花

唐本注云三月九月採之乳水滴水散如雪霜

云石花治腰膝及壯筋骨助陽
此即洞中石乳滴下凝結者

圖經

文具石鍾
乳條下

衍義曰

石花白色圓如覆大馬杓上有百十枝每枝各
槎牙分枝如鹿角上有細文起以指擦之錚錚

然有聲此石花也多生海中石上世方難得灰中自有
一本後又於大相國宮中見一本照其體甚脆不禁觸
擊本條所
注皆非是

信陽軍桃花石



桃花石味甘溫無毒主大腸中冷膿血痢久服令人肌

熱能食

唐本注云出中州鍾山縣似赤石脂但識之不着古者為真唐本先附臣禹錫等謹按蜀本云

今人肥悅能食南海藥譜云其狀亦似紫石英若桃花其潤目光而重目之可愛是也

圖經曰

桃花石本經不載所出州士注云出中州鍾山縣今信州亦有之形塊似赤石脂紫石英輩其

色似桃花光潤而體重以故之不著舌者為佳揀無時陶隱居解赤石脂云用義陽者狀如蛇腦色鮮紅可愛

蘇恭以為非是即桃花石也久服肥人土人亦以療痢熱則功用亦不相遠矣

衍義曰

桃花石有赤自兩符有赤地淡白點如桃花片者有淡白地有淡赤點如桃花片者人往往錯

磨為器用今人亦罕服食

光明鹽味鹹甘平無毒主頭面諸風目赤痛多眵音淚

生鹽州五原鹽池下鑿取之大者如升皆正方光徹一

名石鹽

唐本先附臣禹錫等謹按
蜀本注云亦呼為聖石

圖經

文具食
鹽除下

石牀味甘溫無毒酒漬服與殷孽同一名乳牀一名逆

石

唐本注云陶謂乳公孽即乳牀非也二孽在上牀花
在下性體雖同上下有別鍾乳水下凝積生如笋狀

漸長久與上乳相接為柱也出鍾乳堂中採無時唐本
先附臣禹錫等謹按日華子云石筍即是石乳下凝滴

長者與石花功

同一名石牀

膚青味辛鹹平無毒主蠱毒及蛇茱肉諸毒惡瘡不可

久服令人瘦一名推青一名推石生益州川谷

陶隱居云俗方

及仙經並無用此者亦相與不復識

馬腦味辛寒無毒主辟惡熨目赤爛

紅色似馬腦亦美石之類重寶也生西國玉石間來中

國者皆以為器亦云馬腦珠是馬口中吐出多是胡人

謬言以貴之耳

新補見陳藏器

陳藏器


馬腦出日本國用研木不熱為上研木熱非真也

行義曰

馬腦非石非玉自是一類有紅白黑色三種亦有其紋如鯉絲者出西裔者佳彼土人以小者

入編
碾為好玩之物。大者碾為器。今古方入藥。絕可用此物。
西方甚重。故佛經多言之。具馬口吐出。既知謬言不合。

解州太陰玄精



解州鹽精



太陰玄精味鹹溫無毒主除風冷邪氣濕痺益精氣婦人痼冷漏下心腹積聚冷氣止頭疼解肌其色青白龜

背者良出解縣

附今

圖經曰

太陰玄精出解縣今解池及通秦州積鹽倉中亦有之其色青白龜背者佳採無時解池又有

鹽精味更鹹苦青黑色大者三二寸形似鐵鉞背三月四月採亦主除風冷無毒又名泥精蓋玄精之類也古方不見用者近世補藥及治傷寒多用之其著者治傷寒三曰頭痛壯熱四肢不利正陽丹太陰玄精消石硫黃各二兩硃砂一兩四物都細研入甕瓶子中固濟以火半斤於甕子周一寸燭之約近半日候藥青紫色住火待冷取出用臘月雪水拌令勻濕入甕罐子中屋後北陰下陰乾又入地埋二七日取出細研以麴糊和為

九如雞頭實大先用熱水浴後以
艾湯研下一九以衣蓋汗出為差

唐本餘

近地亦有色赤
青白片大不佳

沈存中云

大瀘之地即
生陰精石

衍義曰

太陰玄精石合他藥塗大風疾別有法陰證傷
寒指甲面色青黑六脈沉細而疾心下脹滿結

硬燥渴虛汗不止或時狂言四肢逆冷咽喉不利腹疼
亦須佐他藥兼之圖經本草已有法惟出解州者良

車轄無毒主喉痺及喉中熱塞燒令赤投酒中及熱飲

之

附今

圖經

文具錄
條下


聖惠方

治妊娠咳嗽以車釐一枚
燒令赤投酒中俟冷飲之

外臺秘要

治小兒大便失血出車釐一枚
燒令赤內水中服之差

南恩州石蛇



圖經曰

石蛇出南海水傍山石間其形盤屈如蛇也無首尾內空紅紫色又似車螺不知何物所化大


抵與石蟬同類功用亦相近尤能解金吾毒以左盤者良採無時味鹹性平無毒

行義曰

石蛇本經不收始自開寶本草添附其色如古牆上土盤結如楂梨大中空兩頭巨細一等無

蓋不收石蟬同類蟬則真蟬也蛇非真蛇今人用之絕少

充州黑羊石



圖經曰

黑羊石生兗州宮山之西味淡性熱解藥毒
春中掘地採之以黑色有牆壁光瑩者為上

兗州白羊石



圖經曰

白羊石生兖州白羊山味淡其性熱用即大熱生用即涼解衆藥毒春中掘地採之以白瑩者

為良

一種唐本餘

銀膏味辛大寒主熱風心虛驚癇恍惚狂走膈上熱頭面熱風衝心上下安神定志鎮心明目利水道治人心風健忘其法以白錫和銀薄及水銀合成之亦甚補牙齒缺落又當凝硬如銀合鍊有法

四十種陳藏器餘

天子藉田三推犂下土無毒主驚悸癲邪安神定魄強志入官不懼利見大官宜婚市王者所封五色土亦其次焉已前主病正爾水服餘皆藏寶

社稷四角土牧宰臨官自取以塗門戶主盜不入境今郡縣皆有社壇也

土地主斂萬物毒人患發背者掘地為孔一頭傍通取風以穴大小可腫處仰卧穴上令癰入穴孔中噓之作三五箇覺熱即易仍以物藉他處又人卒患急黃熱盛

欲死者於沙土中掘坎斜埋患人令頭出土上灌之以
乃出曾試有效當是土能收攝熱也又人患丹石發腫
以腫處於濕地上臥熨之地熱易之

市門土無毒主婦人易產取土臨月帶之又臨月產時
取一錢匕末酒服之又捻為丸小兒於苦瓠中作白龍
乞兒此法崔知悌方文多不錄

自然灰主白癬風癰瘍重淋取汁和醋先以布揩白癬
風破傳之當為創勿怪能軟瑠璃玉石如泥至易雕刻

及澣衣冷白洗惡瘡疥癬驗於諸灰生海中如黃土南
中異物志云自然灰生南海畔可澣衣石得此灰即爛
可為器今馬腦等形質異者先以此灰埋之令輒然後
雕刻之也

鑄鍾黃土無毒主卒心痛症忤惡氣置酒中溫服之彌
佳也戶垠下土無毒主產後腹痛末一錢匕酒中熱服
之戶者門之別名也新注云和雄雀糞煖酒服方寸匕
治吹妳切

鑄錐鉏孔中黃土主丈夫陰囊濕癢細末摸之亦去陰汗最佳

甕中裏白灰主遊腫醋磨傳之甕器物初燒時相隔皆以灰為泥然後燒之甕甕也但看裏有即收之

彈丸土無毒主難產末一錢錢熱酒調服之大有功効也

執日取天星上土和栢葉薰草以塗門戶方一尺盜賊不來抱朴子亦云有之

大甑中蒸土一兩碩熟坐臥其上取病處熱徹汗徧身
乃隨疾服藥和鼠壤用亦得

蚡鼠壤堆上土苦酒和為泥傅腫極効又云鬼疰氣痛
取土以秫米甘汁搜作餅燒令熟以物裹熨痛處凡蚡
鼠是野田中尖嘴鼠也

塚上土及磚石主溫疫五月一日取之瓦器中盛埋之
著門外堦下合家不患時氣又正月朝早將物去塚頭
取古碑一口將呪要斷一年無時疫安大門也

桑根下土搜成泥餅傳風腫上仍灸三二十壯取熱通
瘡中又人中惡風水肉腫一箇差以土碗灸二百壯當
下黃水即差也

春牛角上土收置戶上今人宜田

土蜂窠上細土主腫毒醋和為泥傳之亦主蜘蛛咬土
蜂者在地土中作窠者是

載鹽車牛角上土主惡瘡黃汁出不差漸瘳者取土封
之即止牛角謂是車邊脂角也好用

驢溺泥土主蜘蛛咬先用醋泔汁洗瘡然後泥傅之黑驢彌佳浮汁洗之更好

故鞋底下土主人適他方不伏水土刮取末和水服之不伏水土與諸病有異即其狀也

鼠壤土主中風筋骨不隨冷痺骨節疼手足拘急風掣痛偏枯死肌多收取暴乾用之

屋內墻下蟲塵土治惡瘡久不差乾傅之亦消調塗之鬼屎主人馬反花瘡刮取和油塗之生陰濕地如屎亦

如地錢黃白色

寡婦牀頭塵土主人耳上月割瘡和油塗之効也

牀四脚下土主獠犬咬人和成泥傳瘡上灸之一七壯瘡中得大毛者愈獠犬狂犬也

瓦甌主魘寐不寤覆人面疾打破之覺好魘及無夢取火燒死者灰著枕中履中即止

甘土無毒主去油垢水和塗之洗臟服如灰及主草葉諸菌毒熱湯末和之出安西及東京龍門土底澄取之

二月上壬日取土泥屋四角大宜蠶也

柱下土無毒主腹痛暴卒者末服方寸匕

胡鷺窠內土無毒主風瘙癢疥末以水和傳之又巢中
草主卒溺血燒為灰飲服又主惡刺瘡及浸淫瘡遍身
至心者死亦用之

道中熱塵土主夏中熱暈死取土積死人心其死非為
遇熱赤可以蓼汁灌之

正月十五日燈盞令人有子夫婦共於富家局會所盜

之勿令人知之安臥牀下當月有娠

仰天皮無毒主卒心痛中惡取人膏和作丸服之一七
九人膏者人垢汗也指取仰天皮者是中庭內停污水
後乾地皮也取卷起者一名掬天皮亦主人馬反花瘡
和油塗之佳

蟻穴中出土取七枚始粒和醋搽狐刺瘡

古塼熱燒之主下部久患白痢膿泄下以物裹上坐之
入秋小腹多冷者亦用此古塼煮汁服之主噦氣又令